



ПРИЛОЖЕНИЕ

МЕСЯЦА ИЮНЯ В 19-й ДЕНЬ

Святителя Йова,
перваго Патриарха Московскаго и всея Руси

НА МАЛЕЙ ВЕЧЕРНИ

На Гóсподи, воззвах: **стихíры, глас 8:**

Приидите, вѣрнии,/ восхва́лим зѣмлю Стáриц-
кую,/ яже возрастí мѹ́жа нарóчита,/ премѹдраго
и крóткаго святителя Йова, // перваго в Патриáрсах
Россíйских Бóгом избрáннаго.

Да почтѣтся обитель Стáрицкая,/ дом Пресвятѹ́я
Богорóдицы,/ иде́же Йов приснопáмятный,/ ещѣ юн-
сый,/ пострижѣние иноческое прíят/ и, совершáя по-
дви́ги и труды, // наставник дóбрый ино́ком яв́ися.

Красѹ́йся, граде Москвó,/ прíемый мона́хов на-
чáльника,/ Йова преподóбнаго,/ мно́гия труды́ сла́вы
ради Бóжия зде понѣсшаго // и архиерѣ́йским са́ном
почтѣннаго.

Сла́ва, глас то́йже:

Пресла́вно избра́ние твоѣ бысть,/ в Патриáрха Рос-
сíйскаго возводя́щее тя./ Та́кожде благохвáльно/ и
служѣние твоѣ первоиерáршее,/ во всем во́ли Бóжия

исполненное./ Тёмже войстину о тебѣ сбѣтся/ перво-
святителя вселѣнскаго проречѣние:/ да бѣдет сей ар-
хиерей Иисусов// неугасимый светильник вѣры.

И ныне, праздника или Богородичен, глас тойже:

**Владычице, прими молитвы раб Твоих,/ и избави
нас// от всякия нужды и печали.**

На стиховне стихиры, глас 2.

Подобен: Дóме Евфрафов:

**Учитель и смирен быв,/ во всяцем деле Божиим
искусен,/ добрый пастырь явился еси/ пастве всерос-
сийстей,// Йове первосвятителю.**

**Стих: Священницы Твой облечутся в правду,/ и
преподобнии Твой возрадуются.**

**О пастве Россійстей попечение имея,/ сущия в пе-
чали утешал еси,/ таже и мзду праведную за труды
храмоздательства воздавая,/ от глады многия изба-
вил еси,// первоиерарше Йове.**

**Стих: Блажен муж, бойся Господа,/ в заповедех
Его восхощет зело.**

**Умножил еси паству Церкви Россійския,/ Йове, от-
че богомудре,/ достиг попечением отеческим/ даже до
пределов Карельских и Астраханских,// таже и зем-
лю Сибирскую храмы Божиими украсил еси.**

Слава, глас тойже:

**Тяжкая лишения и изгнания претерпевая,/ святителю
Йове,/ исповедник Православныя вѣры пока-
зался еси,/ смерти же не убоився,// лжеименнаго царя
анафеме предал еси.**

И ныне, праздника или Богородичен.

НА ВЕЛИЦЕЙ ВЕЧЕРНИ

Блажен муж: 1-й антифón.

**На Господи, возвах: аще праздник, стихиры праздни-
ка 3 и святаго 5.**

Аще кроме праздника, стихиры святаго на 8, глас 1:

**Познаим, братие, слово пророка:/ вознесох избран-
наго от людей Моих,/ и уразумѣим, яко избра Господь**

раба Своего,/ святѣйшаго Йова преслѣвнаго,/ пасти стадо словесное Цѣркве Россійския на пажити спасительней/ и вознесѣ имя его в род и род, // да мо́лится о душа́х на́ших.

Аз пѣрвенца положу́ его, высока́ пѣче царей земных,/ рече́ проро́к./ Сие́ сбѣется в жити́ твоём, святителю́ Йове премудре,/ ты бо явился еси́ пѣрвенец Патриархов Россійских,/ благодатию́ Божиею превознесенъ быв высо́ко пѣче влады́к земных, // да мо́лишия о странѣ́ на́шей.

Елеем святѣ́м Моимъ пома́зах его,/ глаголет проро́к./ Сего́ ра́ди благодати́ исполнен/ и мно́гими плоды́ Ду́ха Свята́го укра́шен,/ по́двиг первосвятительский совершилъ еси́, святителю́, // да мо́лишия о умирѣ́нии душ на́ших.

Истина Моя́ и ми́лость Моя́ с ним,/ рече́ проро́к о́ муже́ праведнем./ Та́ко и ле́та служѣ́ния Йова святѣйшаго/ бы́ша исполнена́ ми́лости и истины́ духо́вныя./ Те́мже просвети́ся моли́твами его́ земля́ Россійская // и Цѣрковь Христо́ва утверди́ся.

Сла́ва, глас 6:

Прииди́те, правосла́вныхъ собо́ри,/ восхва́лимъ по́двиги первоизбра́ннаго Патриарха́ Россійскаго/ и из глубины́ души́ е́му возопи́м:/ о избра́нниче́ Божий,/ елеемъ любви́ Господни́ пома́занный,/ ми́лостию же и истиною́ Его́ осия́нный,/ услы́ши лю́ди твоя́ // и вознеси́ за ны моли́твы твоя́ ко Го́споду.

И ны́не, пра́здника или́ Богоро́дичен: Кто Тебе́ не ублажи́т:

Вход. Прокі́мен дне. И чтѣ́ния.

Притчей чтѣ́ние (главы́ 3 и 8):

Па́мь прѣведнаго с похвала́ми, и благосло́вѣніе Господне́ на главѣ́ его́./ Блаже́н человекъ, иже обрѣ́те премудро́сть, и сме́ртен, иже уве́де ра́зум./ Лу́чше бо сию́ купова́ти, неже́ли злата́ и сребра́ сокрови́ща./ Честне́йшая же е́сть ка́мений многоце́нных, все же честное́ недостойно́ ея́ е́сть./ Долготá бо дней и ле́та живота́ в десни́це ея́, в шу́йце же ея́ бога́тство и сла́ва./ От уст ея́

исхóдит прáвда, закóн же и мѣлость на язѣце нóсит./
 Послúшайте úбо Менé, о чáда, честнáя бо рекú: и бла-
 жéн человек, íже путѣ Мойá сохранѣт;/ исхóди бо Мой,
 исхóди животá, и уготóвляется хотéние от Гóспода./
 Сегó рáди молú вас и предлагáю Мой глас сыновóм
 человекéским:/ я́ко Аз премúдрость устрóих, совéт и
 рáзум, и смýсл Аз призвáх./ Мой совéт и утверждé-
 ние, Мой рáзум, Мой же крéпость./ Аз менé любящия
 люблю, íщущии же Менé обрýщут благодáть./ Разу-
 мéйте úбо, незлóбвии, ковáрство, ненакáзании же,
 прилагáйте сердцá./ Послúшайте Менé и пáки, честнáя
 бо рекú: и отвéрзу от устéн прáвая,/ я́ко íстине по-
 учѣтся гортáнь Мой, мёрзки же предо Мнóю устнѣ
 лжѣвыя./ С прáвдою вси глагóлы уст Мойх: ничтóже
 в них стрóпотно, ниже развращéнно./ Вся прáва суть
 разумевáющим и прóста обретáющим рáзум./ Научú
 бо вас íстине, да бúдет о Гóсподе надéжда вáша и испóл-
 нитесь Дúха.

Премúдрости Соломóновы чтéние (главы 10, 6, 8 и 9):

**Устá прáведнаго кáплют премúдрость, устнé же му-
 жéй мúдрых вéдят благодáть./ Устá мúдрых поучáтся
 премúдрости, прáвда же избавляет их от смёрти./ Скон-
 чáвшуся мúжу прáведну, не погѣбнет надéжда./ Сын
 бо прáведен раждáется в живóт и во благѣх своѣх
 плод прáвды обѣмет./ Свет прáведным всегдá, и от
 Гóспода обрýщут благодáть и слáву./ Язѣк мúдрых
 дóбрая свесть, и в сёрдце их почѣет мúдрость./ Лю-
 бит Госпóдь преподóбная сердцá, приятни же Емú вси
 непорóчни в путѣ./ Мúдрость Госпóдня просвещáет
 лицé разумнаго./ Постигáет бо желáющия ю, прéжде
 дáже разумéти ю, и удóбь úзрится от любящих ю./ Утре-
 невавый к ней не утрудѣтся, и бдýя ея рáди вскóре без
 печáли бúдет./ Я́ко достóйных ея самá обхóдит, íщущи,
 и во стезя́х ея явля́ется им благоприёмне./ Мúдрости
 никогдáже одолéет злóба./ Сих рáди и рачѣтель бых
 добрóты ея, и возлюбѣх ю, и поискáх от юности моея./
 И взыскáх невесту привестѣ себé, я́ко всех Влады́ка
 возлюбѣ ю./ Тайбница бо есть Бóжия хѣтрости и обретá-
 тельница дел Егó./ Труды́ ея суть добродéтели: целомúд-
 рию же и рáзуму та учѣт, прáвде и мúжеству,/ íхже по-
 трéбнее ничтóже есть в житѣи́ человекóм./ А́ще же и**

мно́гаго и́ску́ства же́лает кто, весть дре́вняя и бы́ти хотя́щая разсмо́трит./ Свесть и́звѣтїя сло́вѣс и разреше́нїя гада́нїй, зна́менїя и чуде́са прора́зумѣет, и сбывѣ́нїя вре́мен и лет;/ и все́м со́ветник е́сть бла́г, ꙗ́ко безсме́ртїе е́сть в не́й и бла́госла́вїе во о́бщѣнїи сло́вѣс ея́./ Сего́ ра́ди бесе́довах ко Го́споду, и помо́лихся Е́му, и ре́х от все́го се́рдца моего́:/ Бо́же о́тцев и Го́споди ми́лости, сотвори́вый вся сло́вом Твои́м/ и му́дростию Твое́ю устро́ивый чело́века, да владе́ет бы́вшими от Тебе́ тварьми́ и да управляет ми́р в преподо́бїи и пра́вде./ Даждь ми Твои́х престо́лов присе́дѣющую прему́дрость и не отлучи́ мене́ от о́трок Твои́х, ꙗ́ко аз раб Твой и сын рабы́ни Твоея́./ Посли́ ю с Небе́с от свята́го жили́ща Твоего́ и от Престо́ла сла́вы Твоея́,/ да су́щи со мно́ю, научи́т мя, что благоу́годно е́сть пред Тобо́ю,/ и наста́вит мя в ра́зум, и сохра́нит мя в сла́ве свое́й./ Помы́шленїя бо сме́ртных вся боязли́ва, и погреші́тельна умы́шленїя их.

Прему́дрости Соломо́новы чтѣнїе (главы́ 4, 6, 7 и 2):

Похваля́ему пра́веднику, возвеселя́тся лю́дие:/ безсме́ртїе бо е́сть па́мять его́, ꙗ́ко от Го́спода познава́ется и от чело́вѣк, и уго́дна Го́сподеви ду́ша его́./ Возлюбите́ убо, о́ мужїе, му́дрость и поживете́, восхо́щїе ея́ и нака́зани бу́дете: нача́ло бо ея́ любви́ и соблюде́нїе зако́на./ Почти́те прему́дрость, да во ве́ки ца́рствуете./ Возвещу́ вам и не скрью́ от вас та́ин Бо́жїих./ ꙗ́ко Той му́дрости наста́вник е́сть, и му́дрых испра́витель, и вся́кому смы́слу и де́лу хитре́ц./ И все́м смы́слом научи́т му́дрость: е́сть бо в не́й дух разу́мен и свят, и сия́нїе све́та присносу́щнаго, и о́браз бла́гости Бо́жїя./ Та дру́ги Бо́жїя и проро́ки устро́яет./ Благоле́пнейши́ же е́сть со́лнца и па́че вся́каго сотворѣ́нїя звезд, све́ту сосужда́ема обрета́ется пе́рвейши́./ Та угожда́ющих ей от боле́зней изба́ви и наста́ви на стези́ пра́вья./ Дадѣ́ им ра́зум имѣ́ти свят и сохра́ни я от ловя́щих, и по́дви́г кре́пок подаде́ им./ Да разу́меют все́, ꙗ́ко си́льнее все́го е́сть благоче́стїе;/ и никогда́же премо́жет зло́ба му́дрости, ниже́ пре́йдет злы́я облича́ющїи суд./ Реко́ша же в себе́, помы́сливши непра́ведно: насильству́ем пра́ведному/ и не пощади́м преподо́бства его́, ни усра́мїмся се́дїн ста́рости многоле́тны./ Бу́дет бо нам кре́пость

закон, и уловим праведнаго, яко неугоден нам есть, / и противится делом нашим, и поносит нам отпадение закона, и обличает нам согрешения наказания нашего. / Возвещает нам разум имети Божий и отрока Господня себе именует. / Бысть нам на обличение помышлением нашим и тяжек нам есть, / и видим, яко неподобно иным житие его и изменены стези его. / В поругание вменихомся ему, и удаляется от путей наших, яко от нечистот, и блажит последняя праведных. / Увидим убо, аще словеса его истинна суть, искусим, яже сбываются ему. / Руганием и мукою истязем его, да разумеем кротость его, / и искусим беззлобство его, смертию безобразною осудим его, будет бо посещение от словес его. / Сия помыслиша и прельстишася: ослепи бо я злоба их, / и не разумеша тайн Божиих и не разсудиша, яко Ты еси Бог Един, / животы имеяй и смерти власть, и спасаеяй во время скорби, и избавляяй от всякаго зла. / Щедр, и милостив, и даея преподобным Своим благодать, и Своєю мышцею гордым противляеяся.

На литии стихиры, глас 8:

Приидите, православных собори, / преславнаго отца нашего, святителя Иова, почтим, / перваго во Патриарсах Российских, / и, припадающе ко святым мощем его, / со умилением воззовем: / о пречудне угодниче Божий, / святе Иове преславне, / жезл Патриархов Российских вознеси, / ибо исполнися на тебе пророческое слово: / положу в век века семя его // и престол его, яко дние Неба.

Слава, и ныне, праздника или Богородичен: Владычице, прими:

На стиховне стихиры, глас 2:

Подобен: Доме Евфрафов:

От юности возлюбил еси / монашеское житие, преподобне, / и, во обители честнаго Успения Богоматере пожив, // иноческия подвиги подъял еси.

Стих: Восхваляются преподобнии во славе // и возрадуются на ложах своих.

Во обители Пресвятыя Девы/ навык книжному учению/ и монашескому послушанию,/ добрый инок явился еси, // преславне Йове преподобне.

Стих: Священницы Твой облекутся в правду, // и преподобнии Твой возрадуются.

Молитвою и чистотою жития твоего/ муж известен явился еси, / сего ради наставник добрый монахов соделался еси, // отче наш, Йове святе.

Слава, глас 8:

С любовью восхвалим, братие, / преподобнаго отца нашего Йова, / труды и подвиги от юности подъявша // и во святительстей степени твоя преумноживша.

И ныне, праздника или Богородичен: Безвестная Дево:

Тропарь, глас 5:

Православия поборниче, / веры Христовы исповедниче, / первоиерарше Церкви Русския, / святителю отче Йове, / за ны Христа Бога моли, / веру отеческую утвердiti, / грехов оставление нам даровати // и подати миру велию милость.

Ин тропарь, глас 3:

Да торжествует Церковь Христова / и да радуется град Москва, / яко возсия светильник земли Руссийския, / во исповедании Истины непоколебимый Йов Патриарх, / егоже молитвами, Господи, / вся соблазны мира сего и ереси искорени, / люди во благочестии настави // и утверди в Православии.

НА УТРЕНИ .

На Бог Господь: аще праздник, тропарь праздника дважды. Слава, святого. И ныне, праздника.

Аще кроме праздника, тропарь святого дважды. Слава, и ныне, Богородичен.

По 1-м стихословии седален, глас 2:

Паству твою не забуди, отче священнейший, / окормляя сию в дни благия, / такожде во дни скорбей и печали.

Сла́ва, и ны́не, пра́здника или́ Богоро́дичен:

Под кров Твой, Де́во Свята́я, прибега́юще,/ не убо́ймся озлобле́ний вра́жиих во ве́ки.

По 2-м стихосло́вии седа́лен, глас 2:

Моли́ся о лю́дех твои́х,/ свя́те Йо́ве первосвяты́телю,/ да избе́гнем искуше́ний лю́тых/ и враго́в наше́ствия.

Сла́ва, и ны́не, пра́здника или́ Богоро́дичен:

Спаси́ нас, Пресвята́я Де́во Чи́стая,/ от вся́кия ну́жды и па́губнаго отча́яния.

По полиеле́и седа́лен, глас 5:

Хвалу́ ти прино́сим, свя́те Йо́ве,/ иера́рше пресла́вный,/ я́ко до́бре упасл еси́ ста́до словесных овец твои́х,/ устро́я то ко спасе́нию./ Те́мже моли́твами твои́ми и ны́не не оста́ви нас,/ пра́зднующих святу́ю па́мять твою́.

Сла́ва, глас то́йже:

Благода́тне торжеству́йте, мона́хов мно́жества/ и ино́цы оби́тели Новоспа́сския,/ сла́вный бо игу́мен ваш и сподви́жник,/ первосвяты́тель всеросси́йский Йо́в,/ я́ко оте́ц чадолюби́вый, пред Го́сподем предстои́т/ и мо́лится о е́же спасты́ся всем нам.

И ны́не, пра́здника или́ Богоро́дичен, глас то́йже:

При́зри на моле́ния на́ша, Де́во Чи́стая,/ и вся печа́ли отжени́,/ ра́дость ве́чную нам да́рующи.

По 50-м псалме́ стихира, глас 6:

Егда́ поставле́ние твоё на престо́л Патриа́рший бысть,/ свя́те Йо́ве, па́стырю пречу́дне,/ тогда́ вся земля́ Росси́йская ра́довашеся,/ и лю́дие, зря́ще добро́ту лица́ твоего́, умиля́хуся,/ благочесты́вый же царь Фе́одор со ца́рицею Ири́ною честь тебе́ воздава́ху./ С ними́же и мы глаго́лем:// Йо́ве пресла́вне, оте́ц и богомо́лец бу́ди нам.

Аще праздник, канон праздника со ирмосом на 6 и святого на 8.

Аще кроме праздника, канон Богородицы со ирмосом на 6 и канон святого на 8

Канон святого, глас 8.

Песнь 1

Ирмос: *Колесницегонителя фараоня погрузи/ чудотвори́й иногда/ Моисейский жезл, крестообразно поразив/ и разделив море,/ Израиля же беглеца пешеходца спасе, // песнь Бóгови воспева́ющая.*

Помощь даждь ми, Христé Бóже, / с любóвию прослávити иерáрха богомúдраго, Ёва всеблажénнаго, / зéмлю Рýсскую в Правослáвней вéре утвержда́ющая / и лю́ди ея́ к гóрнему Иерусали́му путево́дствующа.

В дрéвнем граде Стáрице рóждшуся ти, блажénне Иоáнне, / я́ко благодáти тезоименита нареко́ша ты родите́лие, / от нихже христиáнскому благочéстию навъ́кл еси́. / Сего́ ра́ди воистину́ благодáть во избы́тце излия́ся на тя, святíteлю.

Христу́ рабóтати пла́менне вожде́лев, / о́браз ино́ческаго жити́я суетé мирсте́й предпочéл еси́, блажénне, / те́мже и обите́ль Пресвяты́я Богороди́цы я́ко ме́сто по́двигов твои́х избра́л еси́.

Богородичен: *Ма́ти Бóжия Пречи́стая, / при́зри све́тлым о́ком Твои́м на лю́ди Росси́йския / и, я́коже во дни святите́ля Ёва Патриáрха, / всем посóбствуй, о Благода́тная.*

Песнь 3

Ирмос: *Небе́снаго кру́га Верхотво́рче, Го́споди, / и Це́ркве Зиждите́лю, / Ты мене́ утверди́ в любви́ Твоёй, / желáний кра́ю, ве́рных утвержде́ние, // Еди́не Чело́веколю́бче.*

Госпо́дни за́поведи усéрдно исполня́я / и послуша́ние доброразсúдное ста́рцу показу́я, / угото́вал еси́, о́тче Ёве, ду́шу твою́ во обите́ль Ду́ху Свято́му, / Его́же стяжа́ти и нас моли́твами твои́ми сподо́би.

Ревнитель иноческих трудов и подвигов во обители быв,/ звания монашескаго удостоился еси, блаженне,/ в немже именем Иова наречен,/ древнему праведнику тезоименит и подобен делом явился еси.

Инок предобра, в делах послушания утверждена,/ восхваляем тя усердно, преподобне Иове преславне.

Богородичен: Мати Божия, иноческий чин возлюбившая,/ в немже и великия светильники явившая,/ умолена буди смирением сих, молитвами и трудами.

Аще праздник, кондак и икос праздника.

Седален, глас 1:

Пастыря молитвенна, учительна, благоразсудна/ яви тя Владыка Христос./ Темже молимся ти, святе Иове,/ сподоби нас дар молитвы, ума просвещение/ от Господа славы прияти.

Слава, и ныне, праздника или Богородичен:

Заступница милостивая нам буди/ во вся дни живота нашего, Пречистая Дево,/ на Тя бо надежду возлагаем,/ да не погибнем, грешнии раби Твои.

Песнь 4

Ирмос: Ты моя крепость, Господи,/ Ты моя и сила,/ Ты мой Бог, Ты мое радование,/ не оставль недра Отца/ и нашу нищету посетив./ Тем с пророком Аввакумом зову Ти:// силе Твоей слава, Человеколюбче.

Многими леты во обители труждающуся ти, преподобне,/ и иноческие обеты усердно исполняющу,/ призре Господь на тя с высоты святых Своих/ и игумена обители тя постави,/ к служению вяншему предуготовляя Тя.

Кротость, смирение, милосердие и любви/ суть твердая основания твоего подвига иноческаго, святе./ Сими изрядно сияя,/ богомудрый игумен явился еси.

Добродетельми многими украшен,/ воистину добрый иноком наставник показался еси, отче,/ путеводствуя сих словом и делом./ Темже нас, в добродетелех

убогих,/ твоими молитвами к Царствию Небесному упрáви.

Богородичен: В дни нестроений и скорби,/ егда подвижется вера и упование христиán,/ неотступною защитою Твоею/ соблюди расточенныя овцы стада Сына Твоего, Пречистая.

Песнь 5

Ирмос: Вскую мя отринул еси/ от лица Твоего, Свете незаходимый,/ и покрыла мя есть чуждая тьма, окайннаго,/ но обрати мя и к свету заповедей Твоих// пути моя направи, молюся.

Возвеличил еси, Господи, Церковь Россійскую,/ введя сию в чин Патриарший/ избранием перваго Патриарха Россійскаго, святаго Йова достославнаго,/ егóже с любовью воспеваем.

Изволением Божиим первосвятитель Россійския Церкви поставлен бе,/ преподобне отче Йове,/ темже и достойное украшение и слава тоя явился еси.

Возрадовася паства Россійская,/ видящи тя достойна первосвятителя,/ воистину отца милостиваго и печальника изряднаго.

Богородичен: Мати Божия!/ Избранник Твой воистину бе святитель Йов,/ яко, еще ему отроку сущу,/ во обители Твоего Успения, яже в Стáрице, благочестию навъиче,/ такожде и в храме Твоего Успения града Москвы/ Патриаршаго сана удостоися.

Песнь 6

Ирмос: Молитву пролию ко Господу/ и Тому возведу печали моя,/ яко зол душа моя исполнися/ и живот мой аду приближися,/ и молюся, яко Иона:// от тли, Боже, возведи мя.

Многи подвиги ко просвещению иновѣрных людей земли Русския/ подъял еси, святе Йове,/ истине Христовой сих научая/ и в добродетелех укрепляя.

Возвеселитесь днесь, земли Казанския, Астраханския и Сибирския,/ имеющие своего изряднаго ревнителя благовѣстия/ и усерднаго представителя пред Богом, Йова всеблаженнаго.

Ликовствуйте ныне, пределы Карельския и инья страны полунощныя,/ почитающе святителя Йова,/ класы веры Православныя в вас возрастившаго.

Богородичен: Обогагся земля Россійская/ явлением честных икон Твоих, Пресвятая Дѣво,/ Йову святительствующу,/ и ныне пробави милость Твою почитающим их.

Кондак, глас 7:

В годину лютых искушений/ многострадальному Йову подобяся,/ в жертву живу и непорочно/ себе Христу принесл еси,/ обратив паству к покаянию,/ терпеливе Йове святителю,/ моли и нам за вся благодарити Господа/ и всегда воздавати// славу Бѣгови.

Песнь 7

Ирмос: *Отроцы еврейстии в пещи/ попраша пламень дерзновенно/ и на росу огонь преложивша, вопиюще:// благословен еси, Господи Бѣже, во веки.*

Всевѣдец Господь предуготова тя, первосвятителю,/ яко стража неусыпна земли Русския во времена смутная,/ во еже сохранити веру правую и благочестие, подвизая всех взывати:/ благословен еси, Бѣже отец наших.

Ревностию о вере распалѣем и любовьию к отечеству горя,/ самозваннаго лжеца и изменника небоязненно обличил еси, святителю,/ верныя же научил еси взывати:/ благословен еси, Бѣже отец наших.

О нравах добрых и благочестии во клирицех и мирянех присно ревнуй, блаженне,/ повелел еси многия священныя книги печатати,/ да слово Бѣжие всех достигнет./ Темже и нас, совершающих память твою, во благочестии утверди, во еже пѣти:/ благословен еси, Бѣже отец наших.

Богородичен: Не утраши тебе, святителю, ярость вражия,/ егда изменницы нечестивии, яко зверие дивии,/ совлекѡша с тебе ризы священныя./ Ты же, болѣзнуя сердцем о пастве своей, взывал еси:/ спаси и утверди Православие, Владычице Богородице,/ благословенная во веки.

Песнь 8

Ирмос: *На горé святéй прослáвльшася/ и в купинé огнём Приснодéвы Моисéови тáйну я́вльшаго,/ Гóспода по́йте// и превозносите во вся вéки.*

Острозрénный рáзум,/ благозвúчен глас, пáче слáвия,/ красотú добротную и инáя даровáния/ даде ти, святителю, Владýка Госпóдь./ Войстину сосúд избрán,/ запечатлén Бóжими даровáньми, явился еси́.

Страдáльцу дрéвнему/ не тóчию тезоименит быв, óтче преподóбне,/ но и вёрностию Гóсподу, тáкожде и исповédанием вéры/ подобник изрядный томú явился еси́.

Был еси́ войстину отéц и богомóлец людéй твоих,/ от напáстей сих заступáяй,/ сегó рáди ймя твоé прослáвился/ во всем отéчестве Россíйстем, блажénне Йове.

Богорóдичен: Мáти Бóжия Пречíстая,/ скóрби при́сных рабóв Твоих вéси,/ пóмощь незрímую и твёрдую нам низпослí молитвами избрáнника Твоего́,/ перво-святителя Россíйскаго, Йова достослáвнаго.

Песнь 9

Ирмос: *Ужасéся о сем Нéбо,/ и землí удивíшася концы́,/ я́ко Бог явíся человекóм плóтски/ и чрэво Твоé бысть прострáннейшее Небés./ Тем Тя, Богорóдицу, // Ангелов и человекó чиноначáлия величáют.*

Зáповедь Госпóдню о милосéрдии/ дóбре испóлнил еси́, святителю./ Сегó рáди о всех приходя́щих к тебе́/ милосéрдовал еси́ изрядно.

Хра́ми Бóжии во мнóзех градéх/ тобо́ю, святителю, поставлени бýша,/ украшáющие и освящáющие зéмлю Рýсскую,/ в нíхже и днесь безкрóвная жéртва о всех и за вся прино́сится Владýще.

Богомúдраго святителя и дóбраго дéлателя на нíве Госпóдней/ вéмы тя, святе Йове,/ тэмже и служéние твоé высóкое величáем.

Богорóдичен: Ты еси́ прибéжище нáше, Богорáдованная Владýчице,/ лю́дие бо Россíйстии ймут Тя

Путеводительницу ко спасению/ и словесы святителя
 Йова взывають:/ Мати Божия, спаси Православие.

Светилен:

Первенствуяй в Патриарсах Россійских,/ Йове,
 пречудне отче наш,/ Ты исповедник веры Православ-
 ния тверд и непоколебим явился еси./ Темже молим
 Тя:/ Церковь и страну Россійскую укрепи и паству
 твою помилуй.

Слава, и ныне, праздника или Богородичен:

К Тебе простираем молебныя рuce, Владычице,/
 всех нас огради/ молитв ради и предстательством
 первоиерарха Россійскаго Йова,/ преславнаго отца
 нашего.

**На хвалитех, аще праздник, стихиры праздника 3 и
 святого 3.**

Аще кроме праздника, стихиры святого на 4, глас 2.

Подобен: Дóме Евфрафов:

Преподобен и незлобив,/ терпелив и милосерден,/
 воистину архиерей Божий/ был еси, святе Йове, // мо-
 ли спастися душам нашим.

Просвещением Христовым/ zelo обогатившагося/
 и разум истинный стяжавшаго,/ восхваляем тя, // от-
 че наш Йове пребогате.

Церковь Русская возвеличися,/ егда Сердцеведец
 Господь/ достойна тя Патриаршаго чина яви/ и верна
 стража Православия показа, // достохвальне Йове.

Преславна кончина и светлость лица твоего/ свиде-
 тельство святости твоея бысть./ Сего ради яко угодни-
 ка Божия ты почитаем/ и усердно, хваляще, просим://
 род Россійский, отче наш Йове, не забуди.

Слава, глас 8:

Слезно молился еси ко Господу,/ первосвятителю
 Йове,/ о еже Церкви Россійстей/ присно в Право-
 славнем царстве пребывати/ и государю Россійскому
 лета многа/ во здравии и благочестии царствовать,/ да
 не воздвигнет миродержитель тьмы века сего/ смуты
 в земли нашей,/ да вернии в житий тихом проживут/

и царство Россійское // благоутишно и непоколебимо да пребудет.

И ныне, праздника или Богородичен.

На Литургии служба святительская.

Моли́тва



О пресла́вне о́тче наш Іове, пёрвенец во Патри́арсех Россійских и вёрный исповѣдникъ Христовъ! Во дни святительства твоего́ му́дро Цѣрковь Россійскую пасл еси́, лю́ди просвѣща́я и утвержда́я сло́вомъ Христо́вы вѣры, хра́мы и обители созидая́, та́же Цѣрковь Россійскую укрепля́я от мо́ря до мо́ря и да́же до границъ Сиби́рскихъ. Тверд муж и исповѣдникъ Правосла́вныя вѣры яви́лся еси́, о́тче, во времена́ попу́щения́ Бо́жия, та́же поруга́ние и изгна́ние подѣ́м, во оби́тели пусты́нней, иде́же и чин ино́ческий прия́л еси́, ду́шу твою́ в ру́це Бо́жии свѣ́тло пре́дал еси́. Не престай́, свѣ́тче Бо́жий, первосвятите́лю Христовъ, лю́ди земли́ твоея́ укрепля́ти вѣру Правосла́вную крё́пко держа́ти и во смире́нии пребыва́ти. Град сто́льный Москв́у сохрани́ и от нахо́ждения лю́тых изба́ви. О святите́лю прети́хий и премудры́й! Сподоби́ и нас свѣ́тлости ра́ди жития́ твоего́ смиренномудри́ю поуча́тися, да та́ко живу́ще, ми́рный ко́нec сподобимся́ прия́ти и Ца́рствие́ Христа́ Сы́на Бо́жия получи́ти сла́вными и ми́лостивыми моли́твами твои́ми. **Ами́нь.**

тели пусты́нней, иде́же и чин ино́ческий прия́л еси́, ду́шу твою́ в ру́це Бо́жии свѣ́тло пре́дал еси́. Не престай́, свѣ́тче Бо́жий, первосвятите́лю Христовъ, лю́ди земли́ твоея́ укрепля́ти вѣру Правосла́вную крё́пко держа́ти и во смире́нии пребыва́ти. Град сто́льный Москв́у сохрани́ и от нахо́ждения лю́тых изба́ви. О святите́лю прети́хий и премудры́й! Сподоби́ и нас свѣ́тлости ра́ди жития́ твоего́ смиренномудри́ю поуча́тися, да та́ко живу́ще, ми́рный ко́нec сподобимся́ прия́ти и Ца́рствие́ Христа́ Сы́на Бо́жия получи́ти сла́вными и ми́лостивыми моли́твами твои́ми. **Ами́нь.**

Житие **святителя Иова** смотри на страницах 94–97.